

MEMORIA XUSTIFICATIVA DO CONVENIO ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E TURISMO E O COLEXIO PROVINCIAL DE AVOGADOS DE CORUÑA PARA A PRESTACIÓN E MELLORA DA ASISTENCIA XURÍDICA NO PROCEDIMENTO DO TRIBUNAL DO XURADO 19/2019 DA SECCIÓN SEXTA DA AUDIENCIA PROVINCIAL DA CORUÑA CON SEDE EN SANTIAGO DE COMPOSTELA, COÑECIDO COMO “CASO DIANA QUER”

A Vicepresidencia Primeira e Consellería de Presidencia, Xustiza e Turismo é o órgano da Administración autonómica que ten atribuído, a través do Decreto 214/2020, do 3 de decembro, polo que se establece a súa estrutura orgánica, o exercicio das competencias en materia de xustiza, recollidas no artigo 20 do Estatuto de autonomía de Galicia, aprobado pola Lei orgánica 1/1981, do 6 de abril. É desexo da Vicepresidencia Primeira e Consellería de Presidencia, Xustiza e Turismo a realización de todas aquelas actuacións coas que poida acadarse a maior eficacia en relación cos temas da Administración de xustiza en xeral, segundo as funcións que ten atribuídas.

No mencionado ámbito material, constitúe unha prioridade o financiamento do funcionamento adecuado da asistencia xurídica ao único imputado no procedemento do Tribunal do Xurado 19/2019 da Sección Sexta da Audiencia Provincial da Coruña con sede en Santiago de Compostela, coñecido como “Caso Diana Quer”, que ten recoñecido o dereito de asistencia xurídica gratuíta, prestando á letrada que o defende os medios técnicos, materiais, humanos e económicos precisos para que poda exercer en óptimas condicións o dereito á defensa do seu patrocinado, en cumprimento do mandato constitucional de que toda persoa ten dereito a obter a tutela xudicial efectiva sen que, en ningún caso, poda producirse indefensión.

Antecedentes: O Estatuto de Autonomía de Galicia, aprobado por Lei orgánica 1/1981, do 6 de abril, establece no seu artigo 20.1 que en relación coa Administración de Xustiza, exceptuada a militar, correspóndelle á Comunidade Autónoma exercer todas as facultades que as Leis Orgánicas do Poder Xudicial e do Consello Xeral do Poder Xudicial recoñezan ou atribúan ao Goberno do Estado. Esta cláusula estatutaria resulta de aplicación respecto da previsión do artigo 37.1 da Lei orgánica do Poder Xudicial, que establece que corresponde ao Goberno prover aos xulgados e tribunais dos medios precisos para o desenvolvemento da súa función con independencia. Naquela cláusula estatutaria atópase a orixe do traspaso á Comunidade Autónoma de Galicia das funcións que desempeñaba a Administración do Estado en materia de provisión de medios materiais e económicos para o funcionamento da Administración de Xustiza. Este traspaso levouno a cabo o Real decreto 2166/1994, do 4 de novembro; e logo foi ampliado polo Real decreto 233/1998, do 16 de febreiro, para comprender tamén os medios materiais e económicos das fiscalías de Galicia. Entre as funcións traspasadas polo Real decreto 2166/1994, do 4 de novembro, e asumidas polo Decreto 394/1994, do 29 de decembro, inclúense,



entro outras, o aboamento da compensación económica aos colexios de avogados e de procuradores dos tribunais polas actuacións dos seus colexiados no ámbito da asistencia xurídica gratuíta.

A Vicepresidencia Primeira e Consellería de Presidencia, Xustiza e Turismo financia, con cargo a súas dotacións orzamentarias, a defensa xurídica por avogado nos procedementos xudiciais a os que sexan beneficiarios do dereito de asistencia xurídica gratuíta, retribuíndo a estes profesionais conforme as bases económicas e módulos de compensación fixados en atención a tipoloxía dos procedementos en que interveñan, de acordo co establecido na Orde da Vicepresidencia Primeira e Consellería de Presidencia, Xustiza e Turismo do 30 de novembro de 2020 pola que se establece a compensación económica aos colexios de avogados polas actuacións dos seus colexiados no ámbito da asistencia xurídica gratuíta durante o cuarto trimestre de 2020 e o primeiro, segundo e terceiro trimestres de 2021. Entre este módulo non se contemplan as posibles situacións excepcionais que se podan suscitar en determinados procesos no que a actuación do avogado supera notablemente a carga de traballo que pode considerarse ordinaria para cada tipo de procedemento.

Coa finalidade de solventar a carencia referida anteriormente, a Vicepresidencia Primeira e Consellería de Presidencia, Xustiza e Turismo publicou a Orde do 31 de marzo de 2021 pola que se modifica a Orde do 30 de novembro de 2020 pola que se establece a compensación económica aos colexios de avogados polas actuacións dos seus colexiados no ámbito da asistencia xurídica gratuíta durante o cuarto trimestre de 2020 e o primeiro, segundo e terceiro trimestres de 2021. Nesta nova Orde recóllese que, cando un procedemento xudicial teña carácter excepcional e extraordinario no que a actuación do avogado supere notablemente a carga de traballo que se pode considerar ordinaria para cada tipo de procedemento, a Vicepresidencia Primeira e Consellería de Presidencia, Xustiza e Turismo e o correspondente colexio de avogados poderán formalizar un convenio cuxa finalidade sexa articular os medios técnicos, materiais, humanos ou económicos precisos para facer posible en óptimas condicións a defensa xurídica de quen teña recoñecido o dereito de asistencia xurídica gratuíta, de modo que se garanta a tutela xudicial efectiva de acordo co establecido no artigo 24 da Constitución Española

Finalidade: Para os efectos sinalados, tense previsto formalizar co o Colexio Provincial de Avogados da Coruña o instrumento convencional para articular os medios técnicos, materiais, humanos e económicos precisos para que a defensa xurídica do único imputado, que ten recoñecido o dereito de asistencia xurídica gratuíta, no procedemento do Tribunal do Xurado 19/2019 da Sección Sexta da Audiencia Provincial da Coruña con sede en Santiago de Compostela, coñecido como “Caso Diana Quer”, sexa unha defensa real e efectiva, que non poña



en dúbida a tutela xudicial efectiva a que toda persoa ten dereito, de acordo co establecido no artigo 24 da Constitución Española.

O instrumento convencional que se pretende formalizar **fundaméntase** no seguinte:

- A Lei 1/1996, do 10 de xaneiro, de asistencia xurídica gratuíta.
- O Real Decreto 2166/1994, do 4 de novembro, mediante o que foron traspasadas as funcións da Administración do estado á Comunidade Autónoma de Galicia en materia de provisión de medios materiais e económicos para o funcionamento da Administración de xustiza.
- O Decreto 269/2008, de 6 de novembro, polo que se aproba o Regulamento de asistencia xurídica gratuíta da Comunidade Autónoma de Galicia.
- A Orde da Vicepresidencia Primeira e Consellería de Presidencia, Xustiza e Turismo, do 30 de novembro de 2020, pola que se establece a compensación económica aos colexios de avogados polas actuacións dos seus colexiados no ámbito da asistencia xurídica gratuíta durante o cuarto trimestre de 2020 e o primeiro, segundo e terceiro trimestres de 2021.
- A Orde da Vicepresidencia Primeira e Consellería de Presidencia, Xustiza e Turismo, do 31 de marzo de 2021, pola que se modifica a Orde do 30 de novembro de 2020 pola que se establece a compensación económica aos colexios de avogados polas actuacións dos seus colexiados no ámbito da asistencia xurídica gratuíta durante o cuarto trimestre de 2020 e o primeiro, segundo e terceiro trimestres de 2021

Financiamento: Co fin financiar as iniciativas que leve a cabo o Ilustre Colexio Provincial de Avogados da Coruña na programación de actividades e medios materiais e técnicos para conseguir unha máis adecuada defensa do único procesado no procedemento do Tribunal do Xurado 19/2019 da Sección Sexta da Audiencia Provincial da Coruña con sede en Santiago de Compostela, coñecido como “Caso Diana Quer”, que ten recoñecido o dereito de asistencia xurídica gratuíta, a Vicepresidencia Primeira e Consellería de Presidencia, Xustiza e Turismo financiará ao Ilustre Colexio Provincial de Avogados da Coruña ata un máximo de cinco mil euros (5.000,00 €) con cargo á aplicación orzamentaria 05.22.131A.481.1 dos orzamentos xerais da Comunidade Autónoma de Galicia para o ano 2021, co seguinte desglose:

- A cantidade que resulte de multiplicar por cinco a contía establecida no módulo e bases de compensación económica prevista para os avogados na Orde do 30 de novembro de 2020 pola que se establece a compensación económica aos colexios de avogados polas actuacións dos seus colexiados no ámbito da asistencia xurídica gratuíta durante o cuarto trimestre de 2020 e o primeiro, segundo e terceiro trimestres de 2021, no epígrafe “*Procedemento ante o Tribunal do Xurado*”





- A contía establecida no epígrafe *“Asistencia diaria á vista ante o tribunal do xurado a partir do segundo día”*, en atención ao número de días de duración do xuízo oral.
- A compensación económica establecida no epígrafe *“Desprazamentos para asistencia a xuízo oral (avogados con despacho oficial nun partido xudicial distinto do da sede do xulgado do penal ou da audiencia provincial)”*, en atención ao número de días de duración do xuízo oral.

Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de Contratos do Sector Público, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se puidesen presentar.

Santiago de Compostela,

Juan José Martín Álvarez

Director xeral de Xustiza

